

岱

史

仙史第四冊神字號目錄

賜進士督理山東鹽課監察御史趙南輝 擢定

賜進士山東都轉運鹽使司運使豫章甘一驥 閔

賜進士山東都轉運鹽使司同知西浙查志隆 韓

賜進士山東右布政前翰林院學士河北張緒彥 補

鄉進士策都轉運司以道臣行事登封傅應星 重刻

卷之十靈宇紀

孔子至聖殿 安神祝文 常祀祝文

岱嶺修建孔廟議

魯兩先生祠 懷英記

吳寬記

卷之十一 宮室志

觀海亭

扶僊宮

過化亭

仰止亭

東公署

乾坤樓

半山亭

五松亭

誠意門公署

巖巖亭

建榮  
記署

飛雲閣

醴泉亭

更衣亭

且止亭

迎賓堂

誠明堂

御香亭

泰山書院

泰陰亭

吳從  
憲記

環翠亭

萃美亭

徐琰  
記署

霞雨亭

高山流水亭

萬泰石壁記

環詠亭

表章縉范歐陽諸名賢遺蹟議

白雲軒

巡撫都御史李戴記

卷之十二物產志

木

果

花

藥

穀

貨

茶

蔬

五金

鳥

獸

魚

水

卷之十三香稅志

委官員額

委官期限

香稅事例

混施事例

會計事例

卷之十四災祥志

漢

晉

宋

東魏

後齊

隋

唐

宋

元

明

清

鄉進士山東運司經歷荆門戴相堯 校梓

岱史第十卷靈宇紀

此卷特錄吾夫子殿宇並別於神佛而  
魯兩先生祠附焉以存道脉云



相傳為越觀峰其下為孔子崖意者韓詩外傳所  
云孔子登泰山望見吳閭門白馬以示顏子此豈  
即其地耶嘉靖間尚書朱衡謀拓基於此構建祠  
宇以奉孔子迄遷任弗果萬曆十有一二年間先  
任濟南府郝推官大猷創議建正殿三間前為門  
一間四圍垣墻俱全專為崇奉孔子設也不以遷

任未及安神奉祀以竟其事今鹽臺侍御譚檄脩岱史稽考勝蹟有司議請重脩前項殿宇奉孔子神主配以顏曾思孟悉如學宮之制春秋行釋菜禮仍於殿之兩偏構道房居黃冠以供掃除云其時撫臺中丞李按臺侍御毛悉可其議行藩司履巽脩舉由是孔子與群賢登臨遺蹟昭揭於泰山相為終始瞻仰者快焉

巡按御史毛在委官安神祝文

維年月日致祭於

至聖先師孔子曰猗維聖師天縱其生貞元萃其  
氣光嶽儲其精然嶽莫崇於岱故其儲精也不偶  
而聖莫崇於聖師故其取精也獨宏麟紱尼山近  
接介丘而應瑞龍吟洙泗淵源泮水以蜚英嘗聞  
登泰山而小天下迄今貽芳躅而永鴻名令人想  
見其丰采罔不願聆其英聲恍若群諸弟子凌陟  
千仞之上手提魁斗揭日月而開群盲又若鼓琴  
陵之歌盪激天籟鏗鏘然與松風笙鶴而齊鳴又  
若裁帝王之六籍卷舒雲錦不崇朝而兩化乎八



絃蓋岱宗雖峻極得聖師而益嶸崢聖師之神道  
雖無乎不在而於生平勝覽詎不益朗其神情是  
用跡夫登臨之地崇祠而奉主時舉釋菜之禮俎  
豆而粢盛豈惟高山仰止之思興起千百世如一  
日行見齊魯一變之化不越衽席而漸摩乎斯土  
斯垠則今茲所為嚴事尤不勝其悃誠也敬奉  
復聖顏子 宗聖曾子 述聖子思子 亞聖孟  
子配享左右共妥神明亦謂夫四子之於聖師猶  
群嶽之於泰岱而當年之步武屬々幸靈光之相

倚晶晶尚饗

巡按御史毛在訂定常祀祝文

維年月日致祭於

先師至聖孔子曰維聖天縱惟嶽

降神大哉夫子係聖絕倫乾坤化育

帝王經綸成宗仰止振衣登臨一時過化萬載洪

鈞肅瞻廟貌吾道常新消茲

春秋仲敬薦明禋以

復聖顏子

宗聖曾子

述聖子思子

亞聖孟子配

饗

查志隆岱巔脩建孔廟議

竊照泰嶽靈區在寰宇最勝而古初遺蹟惟聖哲  
尊崇然聖哲中之有孔子猶山阜中之有泰嶽也  
豈惟誕育降自嶽神廼其里居尤為密邇遐想轍  
環之日師弟子相從登高覽勝者屢矣故孟子則  
云孔子登泰山而小天下禮記檀弓則云孔子過  
泰山側問婦人之哭而嘆苛政猛於虎列子則云  
孔子遊於泰山問榮落期之三樂而善其能自寬  
韓詩外傳則云顏子從孔子上泰山望吳閭門之

繫白馬而顏子對以有如繫練孝實錄則云曾子  
耕泰山下思其父母而作梁山歌凡此故實鑿々  
可據若孟子生時則其母夢神人乘雲自泰山來  
覆於其居而宋儒稱之曰泰山巖巖氣象其言豈  
無稽哉由斯以觀則泰山勝蹟孔子稱首而顏魯  
孟三賢皆踵其芳躅者也夫何時世變遷踪跡泯  
滅惟孔子崖銅像僅存殘毀者半而顏魯孟杳然  
無可考見夫老佛之宮廣袤山谷燦爛丹青固無  
庸置論即如宋時孫明復石守道兩先生猶然俎

豆泰嶽之麓而聖如孔子賢如顏如曾如孟生平  
固其涉歷之地沒後獨無棲神之所臨風弔古寧  
不感悽查得嶽頂玉帝觀之西有空殿三間牆垣  
俱全其中絕無神佛塑像蓋在二三年前先任濟  
南府推官郝大猷創議營構原為崇奉孔子設也  
續緣本官遷任未竟始謀迄今廟宇空虛漸至頽  
壞然因其舊貫加以繕脩費既不多工可刻日相  
應命官經費慮材鳩傭待其脩理完月於殿內設  
立孔子神座神主正中南向而東西配以顏曾孟

併入予思各神座神主東西相向一如學宮之制  
春秋丁祭每歲晉香稅官備辦祭品照州縣釋菜  
菓肴各神座前一卓其牲牷則捻供猪一口羊一  
口本官如期致奠仍於殿傍構道房三間責令本  
山道士二名常住看守報名在官以便稽查及孔  
子崖銅像亭宇一併修整仍於舊址供奉則聖賢  
遺蹟永與泰岱為始終而廟貌崇嚴足慰萬世之  
瞻仰非特斯文之幸實重山靈之先以此紀載簡  
編不亦粹變典墳哉 萬曆拾肆年拾月拾日議

魯兩先生祠

一名泰山書院在州城東南隅祀宋孫

明復石守道其廢興具金學士承旨党懷英及

國朝大學士吳寬撰祠記

懷英記

魯兩先生曰孫明復石守道氏宋祥符天聖間以  
仁義忠孝之道發於文章為諸儒倡當世大儒如  
文忠歐陽公文正王公皆尊禮之故其沒也歐陽  
公為誌其墓蓋比之孟軻韓愈之流其羽翼聖道  
立朝行已治行終始偉如也初兩先生築室泰山

下以為學館屬大關嶽祠壩基甫迫乃北徙山麓  
而以舊館為栢林地歲分施錢為養士之費學者  
至今賴之而鄉人指以為上書院者則其所徙地  
也大定間嶽祠火越明年有詔營建乃命更新廟  
學已而諸生相與言曰昔兩先生宦學汶上汶學  
祀之不忘吾儕居其鄉食其德乃可遂已乎於是  
兩先生諸孫聞其言更出所有作為祠堂於大門  
之左以成學者之意石先生之孫震使其姪翊走  
京師屬其門婿党懷英書其本來將刻諸石懷英



曰兩先生之道垂於後世炳如日星奚患無傳雖然有一言焉方孫先生以春秋之學教於魯石先生蓋師事之時給事孔公道輔聞其名自兗來謁孫先生既出應客而石先生執杖屨侍其左右升降拜伏皆扶之其往謝也亦然繇是魯人始識師弟子之禮士風為之一變近世士尚剽竊以從師親友為耻忠厚之道不著久矣國家尊經養士將使人人為鄒魯固當師承鴻碩因文以入道德之與而後游兩先生祠下而食其餘庇可以無愧矣

吳寬記

魯兩先生者為宋泰山先生孫公明復徂徠先生  
石公守道也祠始建於今泰安州治之西而隣於  
嶽廟金源時遂為廟併元改建於嶽麓已而復為  
浮屠氏據入國朝乃附祠於州學而規制狹隘  
祀事簡率無以慰魯人之思至是州守前進士德  
清胡君瑄言於巡撫山東左副都御史無錫盛公  
謂其事繫風化甚重請於朝事下禮部議從之仍  
擇有司每歲春仲祀羊一豕一狝為常與於是

胡君復請於藩臬諸公擇地得於州治之東南以  
成化二十三年八月是祀焉工未畢盛公以請老  
去而眉山吳公來代益重其事趣成之胡君乃以  
書來請記於石予惟大賢君子所以能使人久而  
追崇者非區區末學所知願請之之意堅不可已  
也惟兩先生在宋盛時泰山來自平陽而寓於魯  
其學長於春秋著尊王發微簡易公平多得經之  
本義一時名公賢士向其學行至妻以女或就見  
之後范文正公富鄭公文薦其賢始授官官止

中丞祖徕則生於魯者當孫公居泰山之時實師事之其為人好善嫉惡嘗著性說中國論及唐鑑以爲世戒而慶曆聖德詩尤爲人所傳誦常以經術教授於鄉後在太學益以師道自居太學自此而興初舉進士甲科官止太子中允蓋兩先生平生見於歐陽文忠公墓誌而國史取以爲傳者其大畧如此按其言論其世信其爲大賢君子卓然出乎流俗而裒然爲一方之望者也故在當時並爲人所尊仰至即其所居山稱之以配其德可謂

至矣泰山雖嘗被薦而人亦嫉之不得盡其用若  
徂徠之剛直既沒而禍患作幾不能保其遺骸而  
庇其妻子蓋小人之不相容亦勢之所必至者今  
去之六百年雖天下知有兩先生而魯為所寓所  
產之地道德之風藹然猶存宜人之尊仰之祠象  
煥焉而不至卒廢人心之公不能自己如此又歐  
陽公所謂發先生之光者今則愈久而愈光矣兩  
先生壟屢守臣又推朝廷尊賢之意既加封護惟  
謹且二氏幸皆有後而不差繁縷選其人入學文

弟子員魯人之思庶幾慰之因併載其事俾刻之  
祠下云

岱史第十一卷宮室志

叙曰志宮室者何志其宅岱宗之勝而登臨者藉以盤桓也夫自古名亭佳館崇閣危樓必據山川之勝槩斯擅寰宇之偉觀而勝莫如岱則據勝莫如岱宮室矣天地其籙籙日月其戶牖烟霞其几席風雨其洒掃不越乎楹檐櫺櫓而超然遠凝邈然周覽曠然出人境惟茲獨也豈不稱上界清都哉其間過化亭則宣聖之芳躅泰山書院則孫石名賢之故墟觀海亭挾仙宮則浴日御風之氣槩仰止亭迎賓堂則奉

迂

朝命而禮當途之冠裳此又宮室中最稱勝者大抵  
危崖峻嶺之上材木鋸斲轉運最艱即一磚之費十  
倍平地乃其後夫戢嶇血汗可憐之狀余嘗目擊焉  
而雲蒸霧鬱日烈風剛於漉圯又最易以故有崇構  
見稱於古而今僅存其名者余嘗謂岱巔工役勿務  
華務堅固勿務新創務時葺舊構勿待其大傾頽然  
後葺之以致耗財動衆而居守又必有專責焉是亦  
節愛之一事云



**觀海亭**即日觀亭在嶽頂日觀峰秦欽樊獻科題石  
扁曰日觀揚綵立石碑二曰東觀日本西望河源  
蔡叔廉勒石坡曰天下名山第一

**挾仙宮**在嶽頂觀海亭之西萬恭題扁曰憑虛御風  
宮後石屏大書曰孔子小天下處嶽頂公署惟此  
最寬廣達官燕飲恒於斯

**過化亭**在嶽頂稍西孔子崖吳謙勒石崖曰泰山喬  
嶽

**仰止亭**即西公署也在碧霞宮西前後三間俱有翼

室前巡撫都御史今工部尚書何起鳴題扁曰仰  
止云天柱峰王女池秦斷碑俱在亭之後凡達官  
止宿恒於斯

**東公署**在碧霞宮之西其制稍隘於西公署香秘摠  
巡官憩息之所

**乾坤樓**在大龍峪下侍郎洪朝選題今名扁侍郎萬  
恭又扁前楹曰礪山帶河

**半山亭**在朝陽洞之西南山上

**誠意門**公署在誠意門之西凡三間傍有翼室

**五峰亭** 前後俱三間前廳有翼室亭前秦始皇封松  
樹五故名又名御帳以宋真宗曾此駐蹕也今其  
松存者二焉是亭當嶽之中道達官每飯中火於  
此或於誠意門公署

**張盛** 移建水簾洞左  
取義於詩舊在岳麓王母池東成化間叅政

**飛雲閣** 在岳南趾曰紅門歲久圯廢今紫石為臺上  
有棟宇下通梁道猶閣之制也方元煥書扁曰梯  
雲石刻曰蓬玄洞天邢一鳳篆書曰仰止

**石壁流水亭**在晒經石隆慶間都御史萬恭勅建自為之記

萬恭石壁記

余既表泰山之巔掠岱麓而南下則憇晒經之石石廣可數畝徧刻梵經皆八分書大如斗不知何代所為近有好奇者則刻大學聖經於上端以勝之余乃大書曝經石字皆博可六七尺刻深三寸垂不磨以助其勝北聳石巖石若斬截而成澗泉漫石而下以懸于空巖若垂萬珠焉余輒大書水

簾字深刻之水漸漸浙字上字隱隱匿水中斯泰  
山之至奇觀也已乃穿澗水而西得石壁高約十  
五尺廣約四十尺夷出天成下擁石基余東向而  
立則水簾之泉泠泠出其左而桃柳數十株蔚蔚  
其右余遂倚石壁為之亭亭悉以石石柱四直入  
石基其深尺有咫上覆以石板令永父登泰山者  
得憩息萬禩焉余嗜鼓琴輒顧從者曰夫是倚岱  
麓之壁也斯不亦高山乎夫是臨水簾之泉也斯  
不亦流水乎為子援琴而絃之邀泰山之神聆廣

陵之歌若將巍巍乎志在高山也又洋洋乎志在  
流水也是謂神品亦謂神解從者悅遂命之曰高  
山流水之亭

**更衣亭**在岳之紅門道左凡衣冠之士登岳至是易  
便服以行故名

**三六亭**在更衣亭西有石刻亭名三六字

**司宴亭**在岳祠東齊之南有司宴王人及大賓客  
之所

**延禧殿**在岳廟內之西延禧殿後凡朝廷遣大臣

有事于岳者居之

**德馨亭**

在誠明堂後凡

朝廷遣使賫香於岳廟者

置於亭擇告而後奠神垣周石刻名人詩文在焉

**泰山書院**

在岳南凌漢峰下舊為唐詩人周朴菴後

為孫復石介胡瑗講習之地嘉靖間按察僉事盧問之創三楹妥孫石靈位尚賢存古蹟也邵賢有詩曰千古清風仰孫石獨遺堂址向岩隈

**泰陰亭**

在州城之南宋真宗登封古蹟也巡按御史

吳從憲建亭有記

吳從憲泰陰記畧

余按山東之明年暮春三月循泰岱將有事於登萊因與同事諸司臨拜嶽祠陟登封臺而徃蹟之僅存者惟秦之斷磬與唐之磨崖其他皆湮沒磨滅不可復覩及還州治知州事李逢暘請曰城南有陰字碑者乃宋真宗御書封禪紀文距州半里而近此祥符中東封故蹟也時偕同事徃觀之碑凡五面相合而成屹然如列屏嶂非特其製與他碑迥異而其敬天尊祖謙遜辭讓之意百世之下



讀其文字猶今人肅然歛容稽首而莊謂之也然  
而時移代變昔之金泥王槍光西萬丈今則毛  
委翳於荒墟藁莽之區其不為湮沉磨滅者無幾  
矣余因是竊有慨焉乃戒有司除地築亭于陰  
之北是秋九月望日從事者均來告成亭凡五  
砌以石址臨于壕消重門深迥盡棟高暉碑砥  
前儼如上帝之臨雉堞擁後恍若海市之觀北瞻  
泰嶽壁立萬仞則勃然仰止之思南顧徂徠直道  
偃蹇則惕然尚友之志視嚮日荒墟藁莽之區

則巖巖翼翼廓然大觀非直為是州奇跡而奎章  
宸翰輝映今古真亦有光於泰嶽也矣於是命工  
人篆其碑之南曰泰陰碑揭其亭曰昭事上帝至  
其門曰升中古蹟州之士民樂其有斯亭也夾道  
樹以槐栢後渠種以芰荷仍取其地之中作為花  
塢周以柵欄多植奇花麗草以待四方賓客之觀  
翼亭之西拓地半畝築室數間以為往來憩息庖  
羞之所由是至斯亭者莫不徘徊竟日而不能去  
也嗚呼可謂盛矣

**環翠亭**在蒿里社首二山間登此北眺岱岳餘三面則鞍牛徂徠諸山蒼翠環峙故名

**萃美亭**在岳之西趾去州治十里金知州姚建榮建元奉高尹王悟重脩廉訪使徐琰記亭今廢記石移置文廟

徐琰記畧

天下名山巍然而大岩然而尊者泰山而已泰山勝境竒然而深蔚然而秀者西溪而已溪居岱宗之右麓延袤數十里樹林陰翳蹊道崎嶇清泉奇

石瑰瑋萬狀行愈遠而山愈奇境愈勝徑溪之所  
窮巔崖百丈懸流下擲望之如垂練天神泉也天  
紳之西有巨壑焉一水自天勝巖落為盤石所散  
漫瀉於壑之上簷若建瓴然水簾洞也而又芙蓉  
懸刀飛鴉獅子諸峯削翠其上黑蛟白龍神潭水  
府潛玆其下雲烟吐吞晦明變滅跳珠濺沫轟雷  
掣電顧接有所不暇真山水之窟宅大壤之奧區  
也金大定間泰安太守姚公面水簾而瞰天神創  
構一亭構粗不移而諸景咸會因榜之曰萃美

詩有云江山雖有此亭樹著難穩登臨不得要萬  
象各偃蹇吾不知世間得登臨之要有如此亭者  
手

**登瀛亭** 在岳頂玉女池北宋建今廢

**觀宋詩所建**

**在東嶽廟御香亭** 西周垣畝許四面石刻古

今名人詩詠故以命名也其間有韓琦蔡襄范仲  
淹歐陽修石曼卿蘇子美林逋諸公題識种放會  
真宮詩而放刻則湮沒不可見矣惟諸公題識姓

名尚在歲久亭廢諸石刻淪於荒穢中萬曆十四  
年據臺侍御毛元行後項呈議委濟南府通判  
桑東陽仍其舊址改構亭宇將韓范歐陽諸公姓  
名手筆拂拭而維之先賢數百年遺蹟蓋重光  
焉足以昭示將來知所仰止云

查志隆表章韓范歐陽諸名賢遺蹟議

照得泰山形勝古今登覽遺蹟種種無庸殫述夫  
執文尚矣人品急而惟其人誠賢故其言誠立即  
片語隻字而姓之聲當世想見其丰采後世聞

之亦莫不延慕興起何論模仿其文華輒欲刑鑿  
其質行以此磨礪人材維持世道故其遺蹟有足  
多也竊見岱廟西偏御香亭之右自古有環詠  
亭一座其來久遠不知創自何代何年蓋四面垣  
墻俱石刻先代名賢題詠聯翩手筆而亭宇介於  
其中瞻顧諸所題詠若環繞焉故因以命名也其  
間名賢之最著者若韓魏公若范文正公若歐文  
忠公若蔡端明蘇子美梅聖俞林和靖石曼卿諸  
公皆先宋人物其手筆尤不容湮沒者奈何近歲

亭宇久廢尚幸亭之稱名存於舊志中職按舊志  
而求故址則彼鄉人士絕無知者轉長諮詢延歷  
時日今幸得其故址幸四面垣墻石刻依然尚在  
只廢缺一隅更幸韓范歐蔡諸名賢手筆無恙惟  
是塵埃滿壁未易分披污穢蘊崇不堪舉趾職於  
茲深慨焉俯仰古今其責在後之君子若不及今  
為之表章則四面垣墻旦夕盡廢不止僅廢一隅  
而已何忍諸名賢數百年遺蹟當盛世而湮沒  
豈不有愧於斯文哉况舊貝可仍不由新創而一



亭工費為值幾何合無仍其舊址復構亭宇仍扁  
曰環詠而四面垣牆題詠見存者拂拭之其一隅  
已廢缺者即將國朝名賢題詠補入而繕完之  
則豈惟更新先宋諸名賢遺蹟而益彰國朝人  
文之盛豈惟增光岱嶽相為終始而於所謂磨礪  
人材維持世道者未必不藉此興起也職不勝大

頌  
萬曆十四年十一月廿五日議

在嶽頂西南稍下鳳凰山之陽有白雲洞焉  
萬曆十四年巡撫都御史李以禱雨登茲賞識

其勝協謀於巡按御史韓

建枋以表之又為

之亭為之軒巡按御史毛

繼代其落其成詳見

記文中

都御史李靈白雲軒記

今歲夏余祇奉

上命填撫東土時古旱魃為灾未及受代輒禱于泰山之神為元元乞一旦之命竊私念公羊傳所稱不崇朝而雨天下者泰山之靈也今安得為雲為雨即符所禱哉已而見白雲裊裊布濩山谷蓋自

白雲洞中出也因往躡之則在鳳凰山之陽石磴  
排絕而下洞高丈許廣亦稱是有石竅廣二尺  
深僅尺許而洞之下陡峻深谷又不可測所謂百  
丈崖者是也洞中石竅四時水常溢注其來無形  
不知所自夏月則其勢愈盛沛然旁達故相傳為  
龍洞其霖又曰雲根雨脉云余於此益信兩天下  
之言不誣也圖所為標其勝宜無如斯言者一日  
以語益臺譚惺堂侍御則手筆兩天下三字勒石  
洞門余微有司樹之坊坊稍北構亭一楹亭稍北

構軒三楹而軒之宅勝最奇皆負石壁如屏左右  
如翼獨開一面甚闊曠憑檻俯視大小龍塔如蒼  
龍噴水而山麓行人摩肩接踵雜遝如蟻近眺則  
徂徠山當其左傲來山當其右遠眺則云云亭亭  
尼丘梁父又環列星羅畢獻奇偉噫斯天下之大  
觀也已陟斯洞憩斯軒者寧無霖雨天下之思乎  
哉奚但選勝擊秀云爾有司謁余記之是舉也前  
按臺韓西玄侍御與其議今按臺毛文源侍御會  
其成其餘有司執事勒之碑陰

岱史第十二卷物產志

叙曰曷志乎物產也言物產莫尚乎山而泰山尤廣  
生大生之區也禹貢曰岱畎絲枲鉛松惟石神農經  
載泰山諸藥石而山海經曰其上多玉其下多金多  
水王道書福地曰泰山多芝草玉石是皆物產之聞  
於古昔也譚者謂古昔山東富饒甲天下利賴於泰  
山居多有審然者自今觀之石山鮮茂林剛風罕宿  
羽寒窟無群獸危巖深澗詎復有良玉仙芝惟是藥  
草綠崖藥石滿谷如天麻青芝赤石脂紫石英諸靈

品絕異他產則永永為世人扶顛起死以私濟壽域  
其為寶弗啻金玉而已夫泰山之興寶藏詎分古今  
哉古昔用之有節故恒見其富饒晚近世費出不經  
上既橫歛下復侈靡即罄山海之珍難乎其繼山東  
富饒之不逮古其以是夫余於茲有深慨焉

有秦松在黃現嶺秦始皇登泰山遇風雨避於松  
下遂封為五大夫五大夫者秦官名第九爵也唐  
陸贄作禁中卷松詩云不羨五株封按史記但云  
封其樹為五大夫不開有五株松之說而贄云爾

者何邪又李商隱有五松驛詩云獨下長亭念過  
秦五松不見見輿薪又李白送人遊桃源亭詩云  
登封泰山風雨暴作雖五松受職草木有知云云  
唯舒王詠栢詩云老松先得大夫官乃為切當今  
只存其一然非秦時故物疑亦後人續植者老幹  
拳曲擁腫宛如蒼龍勢欲飛騰范宗吳勒石樹其  
下曰五大夫松御帳坪稍北路傍古松一株緣崖  
依峪盤結偃蓋若雲覆然其奇詭蒼鬱殆過大夫  
松遠甚方元煥磨崖書其下曰處士松蓋尚其高

隱不羨秦封也 有漢栢在泰山之陽登封門之外山南廟左老栢數株相傳漢武帝封禪時所植有唐槐在嶽廟內奇古特異雖良工不能繪它若椿梧梓檜揪榦桑柘榕欒榆柳楊棟雖皆有之顧登封之地無喬林豐槪而取材于工師者或寡焉譚者謂岳多石少土難於滋植風剛日曬易致頽朽是豈山之性哉抑自古日尋斧斤而今莫為之栽培耶

**果**有梨栗棗柿梅杏桃李柰石榴銀杏檉松林禽核



桃蒲萄羊棗文冠果無花果諸品多植于岳趾園  
林其在岳者多野生曰山榴獼桃野棠

**有**牡丹為藥紫薇凌霄夜合辛夷長春麗春梔子  
玉簪萱葵臘梅薔薇鷄冠鶯粟山丹月季蘭蕙茨  
菰石竹菊百餘種蔓生於樹曰藤花可蔬鹿芻花  
別名曰黃花菜玳瑁稱於天下而土人賤之不以  
供客

**藥**以泰山著圖經者三十有九種曰青芝赤箭景天  
遠志天門冬千歲藟徐長卿太乙餘糧石龍芮石

鍾乳石硫黃白石脂赤石脂白石英紫石英玄石  
滋石滑石雲母石絡石草龍骨伏翼蛭蟪松肪相  
實茯苓丹參茵陳茵芋女糝狼毒連翹藜蘆澤漆  
瞿麥香附子玄胡索惟天麻獨異于它產但鮮而  
難致有名在圖經而不以泰山言者四十有九種  
曰蒼朮黃精黃連黃芩玄參蝦參苦參沙參葛蒲  
知母益母貫衆山查山藥地黃地榆地下南星枸  
杞木蘭防風荆芥羌花花椒百部百合草烏柴胡  
牽牛桔梗藁本芫藹漏蘆鬼箭麥門冬葳靈仙白

薛皮青木香鬼見愁車前子硝石長石青蒙石金星君銀星石金銀花馬兜鈴王不留行諸品惟沙參獨良石花可已心疾傳金瘡撲患湘之可茶狀如蒙山而氣味亦稍相類此則圖經所未載者

**穀**有黍稷稻麥菽粟芝蔴胡蔴巨勝黍黃白黑三種稷黃黑二種稻紅白二種麥有麩麴蕎三種菽青黃赤綠黑刀扁諸種粟百餘種曰九里香化裏黃其最佳者

**貨**有絲有木綿紬絹葛可為絺有麻檉蜜蠟

茶薄產巖谷間山僧間有之而城市則無也山人採  
青桐芽曰女兒茶泉崖陰趾茁如波蕨者曰仙人  
茶皆清香異南茗黃芽皆為茶亦佳松苔尤妙  
歌時於畦圃者弗志其野生曰薺茶藜藿蘧芹枸杞  
椿棟榕欒芽俱可蒞香羹並異八麻樹芽和糜粥  
亦佳曰枸骨芽曰茅春上人甘之

五全出萊蕪之黃山亦有黃白二土石焦二炭土可  
墜可圻炭石可薪而焦良於治頗為民利故又曰  
八寶山是為岳東支麓其西麓曰桃花峪山人昔

澤採白金礦山海經云其下多金是也又云其上  
多玉今不可見土人云岳巔間嘗一炫光彩意者  
其玉韞之輝與

**鳥**多野鴿巢巖穴及岳祠棟題多鳩雀有鸞鵠鷹鷂  
鴉鵲惟岳祠無鴉異哉有曰巧婦爾雅釋枕蟲是  
也曰山僧聲如念佛曰紅娘子色如胭脂曰拖紅  
練拖白練皆以尾色名有雉鷄山鷄野雞鷓鴣黃  
鸝鷓鴣翡翠布穀畫眉有翠羽褐衣如畫眉者汶  
有鴛鴦鷓鴣鷓鴣野鷺

有獐麋羆兔兔有兩其足者不能走每跳一二丈  
許曰跳兔有黃鼠蒼狐白狼在深山窮谷而登封  
之地則無也山海經曰有獸焉其狀如豚而有珠  
名曰狇狇今木之見豈山林古今之變而氣化有  
不同與

有班文四五寸許四五月生嶽北溪澗中過此則  
無矣

冰凝嶽頂址十里許陰壑中名曰天牢天日不遇之  
地四時有之一假伐藏

岱史第十三卷香稅志

叙曰曷云乎香稅也四方祈禳之士女擇鮮香謁款  
神明因捐施焉而有司籍其稅以助國也夫聚天下  
香稅惟岱與楚之太和山也而太和山不以岳名則  
嶽之有香稅惟岱也方其摩肩涉遠接踵攀危經至  
輻湊豈特助國而已輿廝賴以食力重肆賴以牟利  
僧徒賴以衣鉢即行丐亦賴以須臾無祀諸所為地  
方利益甚博其究也蓄所賫金帛珠玉而致等物以  
奉神則有司日堯推之歲兩會其成數是皆神靈所

感召也豈假於號召科責乎哉歟而不宰積而能散  
又非有神輸鬼運而人世自相贏衍何造化之妙一  
至此也山東

皇畿左輔諸凡賦役獨先頻歲凶荒物力且日困蹙  
今不籍是安所取辦天蓋保右

國家而陰以此佐六郡百姓之急耶其初惟籍諸藩  
司以贍地方一切急需代田賦所不給也邇迺轉而  
入之內帑歲有定額議者謂方今內帑累巨萬而不  
可  
此  
州  
郡  
荒  
推  
廣  
靈  
貺  
惠  
澤  
香  
火  
之



地神意豈不其然此在求民瘼者所宜講也章程種  
種具列如左

**委官員額**

舊例總巡官一員於府佐內行委專一  
督理香稅上下稽查是其責也分理官凡六員於  
州縣佐貳官內行委坐定遙參亭二員一收本省  
香稅一收外省香稅俱填單給與香客玄武門一  
員收山後香稅亦給單紅門南天門各一員俱驗  
單放行頂廟碧霞宮門上一員查放香客出入凡  
此員額其來久遠不知起自何年近該隆慶五年

議革遙參亭官一員并紅門南天門驗單官二員  
盡行裁革只存分理官三員一在遙參亭一在玄  
武門一在碧霞宮每遇香客衆多之時分理官力  
不能支議者謂當時裁革太過今宜酌議稍增員  
額

**委官期限**

近例每年分作三季上季自正月至四  
月下季自九月至十二月其時香客衆多故總巡  
官與分理官俱全數委用中季自五月至八月其  
時香客不多故只委分理官不委總巡官又季一

季完訖則是行別季故總巡官去住不常而分理  
官亦嘗有奉委未到者此不惟錢糧重大所宜稽  
查而億萬衆巖嶇厓壑中安可不為之巡行存恤  
也議者謂總巡官宜有專設俾之常駐

**香稅銀兩**

舊例本省香客每名五分四釐外省香  
客每名九分四釐俱店戶同香客赴遙祭亭報名  
納銀領單上嶺近自萬曆八年有外省香客冒充  
本省報名短少香稅者因改議不分本省外省香  
客一例香稅銀八分其銀各店戶包封署名包上

儲遙參亭庫內待夏冬二季起解時店戶各認姓名領包傾銷其間有等店戶當報名納銀之日將銅鐵抵換銀兩至起解傾銷之日百計抵補不及有脫逃者有自縊死者凡此皆所目擊宜為酌處委官收銀間一開包驗實店戶傾錠量行給與耗銀庶其少耗

**濕施事例**

凡香客施捨金銀珠寶玉石首飾并金銀娃娃銅錢及幡蓋袍服紗羅段幣等項俱投在潔淨宮內夏冬二季另委府佐一員前往會同原

總進香稅委官登嶺稅門收檢諸所施捨前項物件逐一驗看估計將金銀珠寶玉石首飾并金銀娃娃銅錢等項同前項香稅銀一併解赴布政司儲庫以待轉解支用其旛蓋袍服紗羅段幣等項解赴濟南府儲庫支送三司堂上并首領與運司濟南府各佐貳員下折俸

**會計事例**

每年香稅并混施銀兩多寡不等照數

坐派一曰解部卷查嘉靖三十七年為傳奉事內開泰山頂廟香錢除旛蓋袍服等物照舊該省官

員折俸外其餘金銀首飾等項按季類部等因以  
後節年二季差官起解赴部據近年解部大約春  
季銀一萬兩有零冬季一萬二三千兩有零一曰  
存司專供公堂慶賀表箋扛夫車價公差人役  
六房文冊紙劄寫字書手工食及德魯衡  
三藩府各郡王祿糧等項一曰脩城其銀亦儲在  
布政司以供脩理城垣之費一曰脩廟其銀亦儲  
在布政司以供岳嶺諸廟脩理之費每季稅八分  
內除五釐脩廟一曰公費供香稅各委官廩給并

跟隨人役工食其銀卽於泰安州支給一曰銅錢  
舊例解禮部近歲部中又不取解俱貯之清司正  
所謂錢累巨萬而貫朽云

續史第十四卷災祥志

經曰易志子災祥也謂泰山氣化品悉其災祥關係天下國家尤大也往昔災祥見於泰山者如大石立起而漢宣踐祚祥雲成闕而光武中興其祥之最著者乎鷲鳥焚巢而飛燕滅漢雄雉亢蹕而武氏易唐其災之最著者乎若論夫災祥之實孰有如宋嘉祐間泰山上瑞麥圖五本我朝嘉靖間泰山瑞麥一本五穗則其祥可以養生他如御帳流洪死於溺者三百餘戶碧霞宮啓閉死於踐蹋者頃刻六七十人



則其災至於戕生是又不啻機稜朕兆所踴為災祥而已夫災祥示人豈不昭昭然祥以符德或以導後災以告譴或以玉成天意詎有常哉惟履祥而益其故享有佳禎遇災而知脩故妖不勝德斯義也豈特聖君賢相所宜講求即膺一命擔一爵者罔不有幾而氣化之責毋以災祥為漫然無足省云

**昭帝**元鳳二年春正月泰山大石起立高丈五尺有白鳥數千集其旁僵柳復起生蛭食柳葉成紋曰公孫病已立符節令睦弘以為石陰類下民象

當有庶人為天子者坐妖言伏誅其後宣帝起民間

**成帝**河平元年泰山桑谷有驚焚其巢郡人孫通等聞山中群鳥驚鵲聲往視見巢難盡墮地中有三驚殺燒死樹大四圍巢去地五丈五尺易曰鳥焚其巢旅人先笑後號咷京房易傳曰人主暴虐鳥焚其巢其後趙飛燕姊妹專寵後宮有子者殺之并殺其母帝崩后坐誅此焚巢殺子後號咷之應也一曰王莽貪虐而任社稷之重卒成易姓之

禍云

**光武**皇帝建武元年泰山雲氣成宮闕

**章帝**元和二年二月辛未幸泰山黃鵠三十經祠壇上東北過于齋宮翱翔升降

**晉武帝**泰始四年七月泰山崩墜三里京房易傳曰自上下者為崩泰山之石崩而下厥應聖人受命人君虜是後懷愍二帝俱辱虜庭淪胥於北元帝中興於南此其應也

**元帝**太康二年六月泰山大水蕩析三百餘家溺

死六千餘人時平吳後王濬為元功而詔勅妄加  
荀賈為無謀而並蒙重賞收吳罪五千納之後宮  
此其應也

成帝咸康八年趙石虎建武八年有石然于泰山  
八日而滅

宋孝武帝大明元年七月白雀見泰山

齊宣武帝景明三年八月辛巳泰山崩湧水十七  
慶武定六年四月泰山甘露降

後齊天統初泰山封禪壇玉壁自出夫岱山王者易

姓告代之所王璧所用之幣而自出將有異姓王者用幣之象其後齊亡地入于周及高祖受周禪天下一統焚柴泰山告祠之應也

**文帝**開皇十四年將祀泰山令使者致神像于祠未至數里野火歟起燒像時帝信讒猜忌滕王瓚失志而死功臣多被夷滅其後太子勇被戮

**高宗**永徽二年七月泰山大水十三年十月

戊子雉馴飛泰山齋宮內夫封禪所以告成訪祀事無重於此者而野鳥馴飛不忌禁衛不祥

宋真宗大中祥符元年五月泰山醴泉出丁丑王母池水變紅紫色按史乾封縣民王用田中有童兒掊土得青錢數十爭取之錢墜石罅因發石湧泉二十四眼味極甘美又枯石河有湧泉二十五眼一眼出層阜之上經宿勢浸盛引數派雙魚躍其中  
中有果實流出似李差小味甚甘制置使王欽若貯水以獻六月庚戌賜百官詔建亭賜額曰靈液  
六月王欽若至乾封上言泰山醴泉出天書見有靈芝三萬八千二百五十本

夫醴泉芝草固理之所  
有乃若天書之降

吾誰欺  
欺天乎

十二月泰山玉女白龍王母池醴泉出  
丁酉賜輔臣新醴泉 六年十月泰山興工有鳥  
狀鳥嘴趾皆赤役夫稍憇即飛鳴作起之聲衆工  
見其來畚鍤爭進將脯而去日以為常目為催工  
鳥

仁宗嘉祐三年七月泰山上瑞麥圖凡五本

元世宗至元九年九月泰山濞兩河水溢圯田廬害  
稼

成宗元貞元年六月泰山大水

武宗至大元年九月泰山大水

仁宗延祐元年三月泰山霜雪三日

文宗天曆元年泰山大水

順帝元統元年泰山滙兩河水溢大饑至正六

年春二月泰山奉符縣大饑地震七日他縣亦然

**大** 成化二十一年春二月三月泰山屢震遣官祭

之

正德十六年春三月岱廟東廊火

嘉靖八年泰山蝗九年十年如之十六年六月



泰山水漂溺數百人十一月州城火延燒數十家  
二十一年泰山蝗不為災 二十二年泰山夏再  
稻麥粟有一本三穗至五穗者知州馬逢伯獻于  
朝 二十九年十二月岱廟火正殿門廊俱焚古  
柏碑刻亦多毀者 三十年六月泰山大水御帳  
衝壞人多溺死 三十二年泰山大饑民相劫奪  
行旅不通 三十三年春泰山大饑餓莩枕藉貧  
民多取其肉食之

萬曆十四年十月十八日泰山碧霞宮四方來焚

禱者互相踐蹋死六十一人今巡撫都御史李  
委濟南府通判桑東陽往經理收葬

**第曆**四十八年春正月十九日午時黃風從西北  
陡起昏暗蔽日至夜半始止又先于本月初九日  
配天門東青龍神口內噴火巡撫王在晉具災異  
疏奏聞

岱史第五冊而字號目錄

賜進士督理山東鹽課監察御史嶺南譚耀定

賜進士山東都轉運鹽使司運使豫章甘一驥閱

賜進士山東都轉運鹽使司同知西浙查志隆輯

賜進士東右布政前翰林院學士河北張縉彥剛補

鄉進士山東都轉運司以道臣行事登封傅應星重刻

卷之十五登覽志

周孔子

漢張衡

魏曹植

晉陸機

謝氏

宋謝靈運

唐李白

杜甫

劉禹錫

李義府

蕭楚才

薛克構

盧照隣

呂洞賓

宋范致冲

查道

梅聖俞

王欽若

元王奕

杜仁傑

元遺山

段輔

張養浩

徐世隆

元好問

王惲

張志

李簡

王旭

賈魯

卷之十六登覽志

明宋濂

方孝儒

魯滢

汪廣洋

李時勉

王俔

吳節

徐有貞

牟富

李裕

周豪

張盛

張文

徐源

喬縉

司馬堉

畢瑜

趙英

夏實

潘禎

王弼

邵莊

黃景

王經

張岫

潘楷

劉丙

王守仁

張璿

盧瓊

陳琳

杳煥

秦金

柴奇

邊貢

喬宇

許達

王廷相

趙鶴

查約

許成名

李東陽

章拯

李夢陽

馬汝驥

周相

葉份

王裕

張鯤

張邦教

鄭善夫

方豪

楊祐

陳沂

朱節

胡纘宗

楊志學

李學詩

楊維聰

王謳

蔣瑜

張鐸

邵經濟

劉淮

廖道南

王寵

陳鳳梧

曾銑

蔡經

岳倫

韓靜

周統

胡經

張袞

潘瑱

潘珍

蕭瑒

胡仲

龍瑄

白世卿

姚奎

章忱

張鵬

周瑯

鄭大同

楊撫

梅守德

竇明

許應元

范瑟

馬驎

黃省曾

蔡汝楠

高誨

李炯然

成周

周津

鄭芸

湯紹恩

傅鎮

李綸

王廷幹

劉燾

王汝孝

郭鏊

經彥宗

仲言永

林應麟

浦應麟

杜泰

谷繼宗

劉爾誠

陶欽臯

袁泰

查秉直

唐禹

徐紳

吳遵

吳伯朋

方正脩

沈應龍

曾鈞

雍焯

何廷鈺

馬三才

段顧言

姜良翰

查秉彛

孟洋

羅洪先

徐文通

王世貞

李嵩

王遴

李攀龍

李先芳

王紹元

孫應奎

魏良貴

楊宗氣



裴紳 王教 牟朝宗 查秉鉞

愈憲 趙勲 曹金 項守禮

朱應奎 陳中 劉璽 王勳

呂頤 曹大同 周怡 桑紹良

蘇本 桑正衍 蘇濂 殷盤

徐琳 朱明時 楊時喬 王在晉

按詩中多有可刪但係前人留蹟姑俟後  
之君子

御史第十五卷登覽志

叙曰曷志乎登覽也志古今人登覽者之文



若

詩若序記是也嘗聞丘壺子曰務外遊不如務內觀  
故列子自以為不知游而眉山蘓子曰人之所遇役  
於事者常多遊於物外者常少由斯以談遊何容易  
偉哉泰山之遊乎躋日觀月觀之高峰可以俯仰宇  
宙揅龍文虎阜之奇石可以磨礪壯懷臨天紳聖水  
之飛泉可以澡漑精爽尋呂公煮散之幽洞可以呼  
吸烟霞豈謂外遊非內觀之助耶要以弧矢四方之

志高入達士之懷古今一也其間遊而能言者暢布  
於篇章即岩壑秀偉萬狀若燐入丹青然而其寄興  
高遠飄飄然有不局於山水間者彼豈徒以娛耳目  
為解騁詞翰為富乎玩物適情固內觀者所不廢也  
宣聖丘陵作歌千載絕唱是用冠諸編簡永耀山靈  
漢魏而下以迄於今則皆循世次錄焉

詩歌

周  
孔子丘陵歌登彼丘陵剋施其阪仁道在邇求之若

遠遂迷不復自嬰屯蹇喟然回顧題彼泰山詩

其高粱甫回連枳棘克路陟之無緣將伐無柯患

滋蔓延惟以永漢涕實潺湲○曳杖消搖於門歌

曰泰山其頽乎梁木其壞乎哲人其萎乎見禮記檀弓子

貢聞之曰泰山其頽則吾將安仰梁木其壞哲人其萎則吾將安放夫子殆將病也蓋寢疾七日而沒

右史氏歌本非為登覽作也然觀此則知吾夫子蓋以泰山自處故併錄之



張衡四愁詩之一我所思兮在泰山欲往從之梁父

艱側身東望涕霑翰美人贈我金錯刀何以報之

英瓊環路遠莫致倚逍遙何為懷憂心煩勞

魏

曹植飛龍篇晨遊泰山雲霧窈窕忽逢二童顏色鮮  
好乘彼白鹿手翳芝草我知真人長跪問道西登  
玉堂金樓複道授我仙藥神皇所造教我服食還  
精補腦壽同金石永世難老○驅車篇驅車揮駕  
馬東到奉高城神哉彼泰山五岳尊其名隆高貴  
雲霓嗟哦出太清周流二六候間置一二亭上  
湧醴泉玉石揚華英東北望吳野西眺觀日精

神所繫屬逝者感斯征王者以歸天效厥元功成  
歷代無不遵禮記有品程探策或長短唯德享利  
貞封者七十帝軒皇元獨靈殄霞漱沆瀣毛羽被  
身形發舉蹈虛廓徑庭升窈冥同壽東父年曠代  
永長生○仙人篇仙人攬六著對博泰山隅湘娥  
拊琴瑟秦女吹笙竽玉樽盈桂酒河伯獻神魚四  
海一何局九州安所如韓終與王喬要我於天衢  
萬里不足步輕舉凌太虛飛騰踰景雲高風吹我  
軀迴駕觀紫微與帝合靈符閭闔正差義雙闕萬

夫餘王樹扶道生白虎夾門樞驅風游四海東過  
王母廬俯觀五嶽間人生如寄居潛光養羽翼進  
趨且徐徐不見軒轅氏乘龍出鼎湖徘徊九天上  
與爾長相須

晉

陸機泰山吟泰山一何高迢迢造天庭峻極周以遠  
層雲鬱冥冥梁父亦有館蒿里亦有亭幽岑延萬  
鬼神方集百靈長吟泰山側慷慨激楚聲

王凝之妻謝氏泰山吟  
峩峩東岳高秀極冲青天巖

中間虛宇寂寞幽以玄非二復非匠雲構發自然  
器象爾何物遂令我屢遷逝將宕斯宇可以盡天  
年

**宋**

謝靈運泰山吟泰宗秀維岳崔嵬刺雲天岵嶸既峻  
嶽觸石輒遷綿登封瘞崇壇降禪藏肅然石闕何  
旒謁明堂秘靈篇

**唐**

李白泰山吟四月上泰山石平御道開六龍過萬壑



澗谷隨縈迴馬蹟遶碧峰于今滿青苔飛流灑絕  
巘水急松聲哀北眺崿嶂奇傾崖向東摧洞門開  
石扇地底興雲雷登高望蓬瀛想象金銀臺天門  
一長嘯萬里清風來玉女四五人飄飄下九垓令  
笑引素手遺我流霞杯稽首再拜之自愧非仙才  
曠然小宇宙棄世何悠哉○清曉騎白鹿直上天  
門山山際逢羽人方瞳好客顏捫蘿欲就語却掩  
青雲關遺我鳥跡書飄然落巖間其字乃上古讀  
之了不聞感此三嘆自心從師方未還○平明登日

觀舉首開雲關精神四飛揚如出天地間黃河從  
西來窈窕入遠山悲嗟望八極目盡長空閑偶然  
值青童綠髮雙雲鬟嘆我晚學仙蹉跎凋朱顏躊  
躇忽不見浩蕩難追攀○清齋三千日餐素寫道  
經吟誦有所得衆神衛我形雲行信長風飄若羽  
翼生攀崖上目觀伏檻窺東溟海色動遠山天雞  
已先鳴銀臺出倒影白浪翻長鯨安得不死藥高  
飛向蓬瀛○日觀東北傾兩崖夾雙石海水落眼  
前天光搖空碧千峰爭攢聚萬壑絕交歷緬彼隄

上仙去無雲中蹟長松入雲漢遠望不盈尺山花  
異人間五月雪中白終當遇安期於此鍊玉液○  
朝飲王母池暝投天門關獨抱綠綺琴夜行青山  
月山明月露白夜靜松風歇仙人遊碧峰處處笙  
歌發寂聽娛清暉玉真連翠微想象鸞鳳舞飄飄  
龍門衣捫天摘匏瓜恍惚不憶歸舉手弄清淺誤  
攀織女機明晨坐相失但見五雲飛○送范山人  
歸泰山魯客抱白鶴別余往泰山初行若片雲香  
在青崖間高高至天門日觀近可攀雲山望不及

此去何時還

右詩刻石本州會真宮內其碑四方其字古篆甚古雅可玩

杜甫望岳岱宗夫何如齊魯青未了造化鍾神秀陰

陽割昏曉盪胸生層雲決眇入歸鳥會當凌絕頂

一覽衆山小

劉禹錫送東岳張鍊師東岳真人張鍊師高情雅淡

世間稀堪為烈女書青簡久事元君住紫微金縷

機中拋錦字玉清壇上着霓衣雲衢不用吹簫伴

祇擬乘鸞獨自歸

李義府雋州遙叙封禪天齊標巨鎮日觀啓崇祠岩

光臨渤澥隱嶙控河沂建岳誠爲長升功諒在茲  
帝猷符廣運玄言暢文思飛聲總地絡載化撫乾  
維瑞策開珍鳳禎圖薦寶龜東后方四覲西都導  
六師天駕移星苑揚罕馭風司沸鼓喧平陸疑蹕  
靜通達汶陽馳月羽蒙陰警電輜巖花飄曙輦峰  
葉蕩春旗石門環藻衛金壇映黼帷三始貽遐貺  
萬歲受重釐非質陶思嬖趨迹奉軒墀觸網淪幽  
裔乘微限明時周南昔已嘆邛西今復悲

蕭楚才奉和展禮岱宗拂漢星旗轉分霄日羽明將

追會阜蹟更勒岱宗銘林戈咽濟岸獸鼓震河庭  
葉箭凌寒矯鳥弓望曉驚已降汾水作仍深迎渭  
情

薛克構奉和展禮岱宗龍圖冠脊六鳳駕指云亭維  
烟泛濟浦綠宇啓河汀畫裳晨應月文戟曙分星  
四田巡揖禮三驅道契經行欣奉萬歲翳抃偶千  
齡

盧照隣登封大舖歌日觀仙雲隨鳳輦夫門碧雪照  
龍衣繁絃綺席方終夜妙舞清歌歡未歸

呂洞賓書王母池昔日曾遊此如今九十春紅塵多

少客誰是識予人○再書王母池昔年留字識曾

來事滿華夷遍九垓無賴蛟虬知我字故留踪跡

不沉埋右詩刻石木州會真宮內相傳洞賓手筆也玩之近是

木

范致冲呂公洞朝遊北海暮瀛洲仙珮何年到此遊

安得相從問丹訣春風同醉岳陽樓○竹林寺竹

林深處有招提深掩禪關過客稀簷蔔花開春欲

暮冷冷鍾磬白雲低○日觀峰岱岳東南第一觀

青天高聳碧巔屹若教飛上峰頭立應見陽鳥浴  
未乾

查道登岱凌空疊嶂絕凡埃青帝高居絳節開捧出  
海天紅日近迂將蓬島碧霞來石閣閃爍迎陽洞  
玉簡光華封禪臺一自祥符裡祀後大平頂上最  
崔巍道仕宋為龍圖學士有孝行見孝順事實

梅聖俞登泰山日觀峰晨登日觀峰海水黃金鑄浴  
出車輪光隨天行無蹤正是刺我目攢集如劒鋒  
照曜萬物興磨滅萬物凶草木旣無命必聞石間



松當時一避兩安得大夫封人而句不遇抱簡誦  
六龍

王欽若登泰山四顧無雲道路開黃麾迎從六龍來  
三神合祭光千古萬旅傳呼動九垓幽鳥似通崑  
閭信真松深隱棟梁材已知身世非常事曾到天  
門十二迴

元

王奕和元遺山呈泰山天倪布山張真人江右書生  
枉白頭杖藜如得此山遊手摩紅日登三觀袖拂

黃埃看九州○泰山宸齊机魯闢天開左右微垣  
列兩班大展明堂俱翕受黃河東畔少遊山○茂  
陵封禪壇祥符天子舊明堂秦漢豐碑宿草荒人  
世已非壇尚在摩挲老淚濕斜陽○漢栢膚剝心  
枯歲月深孫枝已解作龍吟烈風吹起孤高韻猶  
作峯頭梁甫音○孫明復石守道祠堂師生高占  
二山名千載誰云道義輕岳府栢林風雨夜琅然  
猶帶讀書聲

杜仁傑天門銘泰山天門無室宇尚矣布山張鍊師

爲之經構累歲乃成可謂破天荒者也齊人杜仁傑于是乎銘之元氣裂兩儀具五岳峙真形露惟岱宗儼箕踞仰彌高屹天柱浩千劫空來去誰爲鑿起天慮匪斤斧乃祝詛一竅開達底處十八盤盤千步薺初吐抱圍樹日車昇慘曦馭六龍頽莽迴玄蹠此往嘉無數無懷下兵刑措七十君接衮輅聖道熄彝倫數揖讓歇篡奪屢忽焉闔梗無路象緯森敕訶護朝百靈由茲戶金璀璨朱間布九虎蹲萬夫怖我欲叩關者壑闕何時坦如故對冕

旒獲控愬豁蒙蔽泄塵霧刮政疵剔民蠹上得情  
下安作額血殫帝聰悟崖不磨蒼壁堅刻我銘期  
孔固垂萬世正王度

元遺山登岳泰山天壤間屹如鬱蕭臺厥初造化手  
劈此何雄哉天門一何高天險若可階積蘇與累  
塊分明見九垓扶搖九萬里未可誣齊諧秦皇憺  
威靈茂陵亦雄才羣華行不歸石壇滿蒼苔古今  
一俯仰感極令人哀竒探忘登頓意愜自遲回夜  
宿三女祠崩奔湧雲雷鷄鳴登日觀四望無氛霾

六龍出扶桑翻動青霞堆平生華嵩遊茲山未忘  
懷十年望齊魯孤雲拂層嵒青壁落落雲間開眼  
前有句道不得但覺胸次高崔嵬徂徠山頭喚李  
白吾欲從此觀蓬萊

段輔題李白泰山觀日出圖岱宗鬱鬱天下雄謫仙  
落落人中龍茲山茲人乃相從氣奪真宰慙豐隆  
玉堂一任雲霧封長肅飛渡秦皇松夜呼日出滄  
海東冉冉新世開鴻濛鈞天帝君深九重醉舞蹈  
碎青芙蓉天孫玉女為歛容却視五岳秋毫同長

鯨一去不復逢乾坤萬里號秋虫當年咳唾留絕  
峰至今樹石生香風我欲追之杳無踪不意邂逅  
會此中屋梁落月依然空

張養浩登岳風雲一舉到天關快意平生有此觀萬  
古齊州烟九點五更滄海日三竿向來井處方知  
隘今後巢居亦覺寬咲拍洪崖詠新句滿空笙鶴  
下高寒

徐世隆紀夢我夢天倪子同登日觀峰骨彊清似鶴  
步健老猶龍方外無官府堂中有岱宗仙閣真福

地杖屨會相從○送天倪子還泰山九十行年髮  
未華道人風骨飽烟霞洞天福地三千里神府仙  
閣第一家牛膝藥靈斟美醞兔毫盞淨啜芳芽隱  
居自愛陶弘景莫作山中宰相誇

元好問送天倪子歸布山太白詩筆布山頭布韞青  
鞋欠一遊擬欲高人叅藥鏡却嫌凡骨比丹丘雲

間茅屋雞犬靜物外烟霞風露秋後日天門重登

覽琬仙巖下幸遲留

天倪即張志純布山即布金山在泰山西南杜仁傑銘天

門序亦稱布山張鍊師或為天倪棲真舊地故云

王惲咏漢栢蒼栢無城擁漢陵闕宮遺樹鬱崢嶸崔  
嵬不植明堂礎造化潛通岳頂靈萬壑烟霏封傑  
榦半空風雨撼秋聲白頭會見東封日秀映鸞旂  
一色青

張志題桃花峪流水來天洞人間一脉通桃源知不  
遠浮出落花紅○泰山喜雨岱宗天下秀霖雨遍  
人間高卧今何在東山似此山

二詩俱刻  
大峪溪石

李簡登岳三峰突兀與天齊天門未到勞攀躋層層  
石磴出林杪縈迴百折青雲梯盤石斷足憇舒清眺



澗壑風來號萬竅水聲俄在樹梢頭疑有於菟天  
外嘯向曉纔登日觀峰手披雲霧開鴻濛火輪欲  
上海波赤金霞翻動蒼龍宮黃河一線幾千里吳  
越山川真地底為數齊州九點青更將伏檻窺東  
溟李白不遇安期生安得羽翼飛蓬瀛○朝覲壇  
朝覲當年築此壇旌旗影裏簇仙班只今惟有青  
山在日暮孤雲自往還○鄆都峪石洞荒涼樹影  
孤州人相語是鄆都古碑猶說韓擒虎為問于今  
尚有無

王旭遊竹林寺石徑俯雲壑竹林開幽境寺古僧徒  
稀山深嵐氣冷待遊未終興紅日忽倒影曳杖校  
暝煙長歌下前嶺○西溪我愛西溪好披雲屢往  
來一州煙景合三面畫屏開薄俗無商隱清時有  
逸才近巖多隙地松竹更須栽

賈魯登泰山岱宗何崔嵬群山無與比使者久塵囂  
望之不勝喜無緣凌絕頂詣祠聊致譟夫何一歎  
存千間暴遺圯人言遭劫火金源亂兵裏感此廢  
昔年傷今未能理飛奏入彤庭經營良在邇柰何

齊魯饑百姓食糠粃神兮願效靈穰穰多樂祀行  
當復故宮金碧蕩瞻視